



Samtök sveitarfélaga á höfuðborgarsvæðinu

**601. fundur stjórnar SSH
var haldinn í fjarfundi, mánudaginn 17. mars 2025
og hófst hann kl. 13:00.**

Fundinn sátu:

Heiða Björg Hilmisdóttir, Almar Guðmundsson, Ásdís Kristjánsdóttir, Regína Ásvaldsdóttir, Valdimar Víðisson, Þorbjörg Gísladóttir, Þór Sigurgeirsson, Hildigunnur Hafsteinsdóttir lögfræðingur SSH og Páll Björgvin Guðmundsson framkvæmdastjóri SSH.

Fundargerð ritaði: Hildigunnur Hafsteinsdóttir, lögfræðingur SSH

Heiða Björg Hilmisdóttir formaður stjórnar setti fund og gengið var til dagskrár.

Dagskrá:

1. Fráveitumál hbsv. Forathugun -Sóknaráætlun 2024 - 2404004

Meðal áhersluverkefna sóknaráætlunar 2024 var að kortleggja og greina fráveitumál á höfuðborgarsvæðinu, og hefur vinna staðið yfir við það, sér í lagi m.t.t. nýrrar tilskipunar ESB um fráveitumál í þéttbýli. Framkvæmdastjóri og ráðgjafar verkefnisins kynna stöðu þess og þær niðurstöður sem nú liggja fyrir. Umræður.

Gestir

Einar Kristján Stefánsson ráðgjafi.

Guðjón Bragason ráðgjafi.

Niðurstaða:

Lagt fram til kynningar. Formanni stjórnar og framkvæmdastjóra er falið að vinna nánari áætlun um næstu skref SSH í málinu.

2. Fyrirkomulag almenningssamgangna ríkis og sveitarfélaga á höfuðborgarsvæðinu - 2409007

Áframhaldandi umræður frá 600. fundi stjórnar. Framkvæmdastjóri ásamt Birgi Birni Sigurjónssyni kynnir stöðu málsins og tímalínu hvað varðar undirbúning stofnunar nýs félags um rekstur almenningssamgangna. Umræður.

Gestir

Birgir Björn Sigurjónsson ráðgjafi

Niðurstaða:

Lagt fram til kynningar

3. Sóknaráætlun 2025-2029 - 2312007

Staðfest hefur verið að stýrihópur Stjórnarráðsins um byggðamál hafi fjallað um áhersluverkefni SSH 2025 og að þau hafi verið staðfest til samræmis við afgreiðslu 599. fundar stjórnar SSH. Brugðist hefur verið við ábendingum hópsins



Samtök sveitarfélaga á höfuðborgarsvæðinu

sem voru minni háttar og er yfirlit áhersluverkefna svo breytt fyrirbyggjandi. Lagt er til að framvæmdastjóra verði falið að koma umræddum áhersluverkefnum af stað og ganga frá og undirrita samninga vegna þeirra eftir því sem við á.

Þá liggur fyrir tölvupóstur innviðaráðuneytisins dags. 4. mars 2024 þar sem óskað er eftir fundi með stjórn, sér í lagi formanni, SSH og starfsfólki til að ræða framgang sóknaráætlunar. Fyrirhugað er að sá fundur fari fram mánudaginn 24. mars kl. 13:00.

Niðurstaða:

Samþykkt. Framvæmdastjóra er falið að koma umræddum áhersluverkefnum af stað og ganga frá og undirrita samninga vegna þeirra eftir því sem við á.

4. Höfuðborgarsvæðið sem staðarvalkostur-Invest in Reykjavík-Sóknaráætlun 2020-2024 - 2103008

Ofangreint var einnig á dagskrá 600. fundar stjórnar en ekki gafst tími til að taka málið til umræðu þá og var henni því frestað. Höfuðborgarsvæðið sem staðarvalkostur - Invest in Reykjavík var eitt af áhersluverkefnum sóknaráætlunar á árinu 2024. Fyrirbyggjandi eru minnisblað og skýrsla Markaðsstofu höfuðborgarsvæðisins um feril og framvindu verkefnisins. Þar koma fram tillögur um áframhald þess, m.a. tillögur um ákveðnar skammtímaðgerðir sem fela m.a. í sér myndun faghóps um verkefnið.

Kostnaðarmat vegna slíkra skammtímaðgerða nemur 12,5 til 13 milljónum á fyrsta ári. Lagt fram til kynningar en lagt er til að málið verði tekið til skoðunar í tengslum við fjárhagsáætlunargerð vegna ársins 2026.

Niðurstaða:

Lagt fram til kynningar. Málið verði þá tekið til skoðunar í tengslum við fjárhagsáætlunargerð ársins 2026.

Þór Sigurgeirsson bæjarstjóri Seltjarnarness fór af fundi.

5. Minjaráð Reykjavíkur og nágrennis - 1812001

Fyrirbyggjandi er tölvupóstur frá Minjastofnun Íslands, dags. 4. mars 2025, þar sem fram kemur beiðni um tilnefningu stjórnar SSH á fulltrúa í minjaráð Reykjavíkur og nágrennis en núgildandi tilnefnding rennur út 7. september nk. Núverandi fulltrúar SSH í ráðinu eru Auður Dagný Kristinsdóttir og Nikulás Úlfar Másson til vara. Gerð er tillaga um að þau verði tilnefnd áfram af hálfu SSH.

Niðurstaða:

Samþykkt. Skrifstofu SSH er falið að tilkynna um tilnefningu samkvæmt framangreindu.

6. Heilbrigðisumdæmi - hlutverk Heilsugæslu höfuðborgarsvæðisins - 2205003

Fyrirbyggjandi er erindi Brjáns Jónassonar, samskiptastjóra Heilsugæslu höfuðborgarsvæðisins, dags. 19. febrúar 2025, þar sem fram kemur beiðni um fund með stjórn SSH.

Niðurstaða:

Framkvæmdastjóra er falið að bjóða Heilsugæslu höfuðborgarsvæðisins á fund



Samtök sveitarfélaga á höfuðborgarsvæðinu

stjórnar 5. maí nk. og móta dagskrá þess fundar.

7. SSH og lögreglustjóri höfuðborgarsvæðisins - samstarf og upplýsingagjöf - 2207002

Fyrirliggjandi er tölvupóstur lögreglustjórans á höfuðborgarsvæðinu með beiðni um fund embættisins með stjórn SSH, en slíkir fundir hafa farið fram u.þ.b. einu sinni á ári undanfarin ár.

Niðurstaða:

Framkvæmdastjóra er falið að undirbúa slíkan fund.

8. Norræn ráðherranefnd. Byggða- og skipulagsmál - Tilnefning fulltrúa - 2503004

Fyrirliggjandi er tölvupóstur frá Hönnu Dóru Hólm Másdóttur, sérfræðingi hjá Innviðaráðuneytinu, þar sem óskað er eftir að Ásdís Ólafsdóttir svæðisskipulagsstjóri, taki sæti sem svæðisfulltrúi í vinnuhópi Norrænu ráðherranefndarinnar um byggða- og skipulagsmál. Fyrirliggjandi er einnig minnisblað svæðisskipulagsstjóra um samstarfið.

Lagt er til að Ásdís Ólafsdóttir svæðisskipulagsstjóri höfuðborgarsvæðisins taki sæti svæðisfulltrúa í vinnuhópnum fyrir hönd SSH.

Niðurstaða:

Samþykkt

9. SSH starfsfólk - 2006002

Fyrirliggjandi til samþykktar er tillaga framkvæmdastjóra um ráðningu sumarstarfsmanns á skrifstofu SSH.

Niðurstaða:

Samþykkt

Fleira ekki gert. Fundi slitið kl. 14:00.